

Imperium ma-
jorem.

Urbs.

Ataginum (quas *Fraucolinas* vulgo appellant) Aucupio insignis est. Falcones sacri & peregrini, volatiliū, hostes, aliunde advolantes, his etiam capiuntur. Regionem hanc primi tenuere *Leſtrygones* immanes; tum *Sicana* Hispanorum Coloni; accessere *Troianorum* & *Cretensium* populi. Postea *Græci* eam appetivere, inde *Romani*, & quidem post diuisum Orientis & Occidentis Imperium Constantinopolitanis paruit per annos pene cc. Sub *Iustiniano* autem Imperatore Insulam *Gothi* invadere, qui ipsi annos xv i i a *Belisario* expulsi sunt. Postea occupavere eam *Saraceni* sub Michaelē Balbo, qui cccc annos ea potiti sunt. Hi *Normanni* cessere: Successere *Langbardi*, *Suevi*, *Germani*: sed his a Clemente iv, exactis, *Galli* rerum potiti per annos xv i i ad vesp̄as usque Siculas, quæ incidere in annum c i o c c l x x x i i. Ex eo paruit *Aragonensibus*, usque ad *Ferdinandum Regem*, quo extincto *Hispaniarum Reges Aragoniæ* & *Siciliæ* imperium possedere. Plinius in hac Vrbes l x x i i numeravit. Hodie sunt civitates & Opida c l x x i i i, Magino teste. Regni Metropolis est *Panormus* Ptol. & aliis: *Palermum*, *Palerno* hodie. Vrbs est vetustissima, Phœnicum Colonia, uti ostendunt Epitaphia aliqua Litteris Chaldaicis conscripta. Existimatur temporibus Abrahami exstructa. Sita est loco amœno & fertilissimo. Ad Septentrionem spectat, Pelagoque adluitur Tyrrheno, Muris septa altissimis, quod opus est *Friderici Regis*: Secundum mare Arx est, quæ nostra tempestate amplificata, quod *Castrum ad Mare* nominant. Tres item antiquæ Civitatis Portæ, & veteres Muri multis cum Turribus Lapide quadrato constructi, etiam num manent. Templum est Panormi D. Petro Sacrum, a *Rogério Siciliæ Rege* conditum, quod sua pulchritudine & rerum preciosarum apparatu, ceteris, quæ in Italia nunc usquam extant, seu veteribus, seu novis merito præferri constat: quo nomine ab omnibus, qui Panormum aut inhabitant aut invisunt viris, non imperitis modo, sed ingenio etiam doctrinaque præstantibus, summa cum admiratione ac voluptate frequentatur. Major etiam totius Urbis Ecclesia reticulata est structura, quadrato ac diversis in exteriori facie imaginibus figurisque inciso ac perpolito Lapide a *Gualtherio* hujus nominis i i Archiepiscopo, anno c i o c l x x v fundata: ubi Regum Reginarumque Siciliæ ac Ducum quoque corpora sunt recondita. Est & Gymnasium publicum & Xenodochium. Longum foret reliqua hujus Urbis ornamenta & præclara ædificia commemorare. Reliquæ Civitates sunt, *Syracusa*, urbs quondam maxima, quam ita Orator describit *Actio*: iv in Verrem, Urbem *Syracusas* maximam esse Græcarum Urbium pulcherrimamque omnium, sæpe audistis. Est, *Judices*, ita ut dicitur: Nam & situ est cum munito, cum ex omni aditu vel terra vel mari, præclaro ad aspectum, & Portus habet prope in edificatione ad spectumque urbi inclusos. Qui quum diversos inter se aditus habeant, in exitu conjunguntur & confluent, Eorum conjunctione pars Opidi quæ appellatur *Insula*, mari disjuncta angustō, ponte rursus adiungitur & continetur. Ea tanta est urbs, ut ex quatuor urbibus maximis constare dicatur, quarum una est ea quam dixi *Insula*: quæ duobus portibus cincta, in utriusque portus ostium aditumque projecta est: in qua est domus, quæ regis *Hieronis* fuit, quæ

Prætoris